

*I. C. diebus aliquot post circumcisonem
a Magis adoratur.*

VII. Cum natus esset Jesus in Bethlehem Juda, ecce Magi ab oriente venerunt Ierosolymam: dicentes, Ubi est, qui natus est Rex Judæorum: vidimus enim Stellam ejus in oriente, & venimus adorare eum: Audiens (hæc) Herodes rex turbatus est. Et congregans principes sacerdotum & scribas populi sciscitabatur ab eis, ubi nasceretur Christus: illi dixerunt in Bethlehem Juda. Tunc Herodes clam vocatis Magis, didicit ab eis tempus stellæ, quæ apparuit eis: & mittens eos in Bethlehem dixit, ite: & cum inveneritis renunciate mihi, ut & ego veniens adorem eum. Qui abierunt: & ecce stella, quam viderant in oriente, antecedebat eos, usque dum staret supra, ubi erat puer. Et intrantes domum invenerunt puerum cum Maria matre ejus, & procidentes adoraverunt eum: & apertis thesauris suis, obtulerunt ei munera aurum, thus, & myrrham, & responso accepto in somnis, ne redirent ad Herodem, per aliam viam reversi sunt in regionem suam. Matth. 2. vers. 1... 12.

*I. Christi Mater V. Maria quadragesimo
à partu die, purificationis legem
solvit in Jerusalem*

VIII. Et postquam impleti sunt dies purgationis ejus (Mariæ) secundum legem Moyfi, tulerunt (parentes) Iesum in Jerusalem, ut stisterent eum Domino, & ut darent hostiam par turturum, aut duos pullos columbarum. Luc. 2. vers. 22. 24.

I. C. à Simeone Sacerdote, & ab Anna prophetissa supervenientibus agnoscitur.

IX. Ecce Homo in Jerusalem Simeon justus & timoratus expectans consolationem Israël, responsum acceperat à Spiritu sancto, non visurum se mortem, nisi prius videret Christum Domini, Venit in Templum, & accepit puerum in ulnas suas, & benedixit eum, & dixit, Nunc dimittis servum tuum Domine, &c. Multaque prædixit de Puer, & de V. Maria. Et Anna Prophetissa filia Phanael ipsâ horâ superveniens confitebatur Domino, & loquebatur de illo omnibus, qui expectabant redemptionem Israël. Luc. 2. vers. 25... 38.

*I. Christi pater Joseph fugit in Ægyptum
cum Maria conjuge, & puero Iesu.*

X. Angelus Domini apparuit in somnis Joseph, dicens: Surge, & accipe puerum, & matrem ejus; & fuge in Ægyptum, & esto ibi usque dum dicam tibi. Futurum est enim: ut Herodes quærat puerum ad perdendum eum: qui confurgens accepit puerum, & matrem ejus nocte, & secessit in Ægyptum. Matth. 2. vers. 13. 14.

*Dum Iesus fugit in Ægyptum Infantes
Bethlehem ab Herode occiduntur.*

XI. Herodes videns, quod illusum esset à Magis, iratus est, & occidit omnes pueros, qui erant

in Bethlehem, & in finibus ejus, à bimatu & infra, secundum tempus quod exquisierat à Magis. Et impleta est Jeremiæ Prophetia. Vox in Rama audita est, ploratus, & ululatus multus, Rachel plorans filios suos, noluit consolari quia non sunt. Matth. 2. vers. 16... 18.

*I. C. à Josepho reducitur ab Ægypto
in Judæam.*

XII. Defuncto Herode, Angelus Domini apparuit in somnis Joseph in Ægypto, dicens: Surge, & accipe puerum, & matrem ejus, & vade in terram Israël: defuncti sunt, qui quærebant animam pueri. Joseph confurgens venit in terram Israël. Matth. 2. vers. 19... 21.

*I. C. à Judæa reducitur in Galilæa
urbem Nazareth.*

XIII. Audiens (Joseph) quod Archelaus regnaret in Judæa pro patre suo, timuit illò ire, & admonitus in somnis secessit in partes Galilææ: & habitavit in civitate Nazareth. Matth. 2. vers. 22. 23. Puer autem crescebat, & confortabatur plenus sapientia, & gratia Dei erat cum illo. Luc. 2. vers. 39. 40.

I. C. annorum duodecim ducitur in Jerusalem ad Festum Paschæ; & amissus, in templo repertus est.

XIV. Et ibant parentes ejus per singulos annos in Ierusalem, in die solemni Paschæ: Et cum factus esset annorum duodecim, ascendentibus illis Ierosolymam, secundum consuetudinem diei festi: cum redirent, remansit puer Iesus in Ierusalem, & parentes requirebant eum inter cognatos & notos, & non inveniunt regressi sunt in Ierusalem, & post triduum invenerunt eum in Templo sedentem in medio Doctorum, audientem, & interrogantem illos: & dixit Mater, Fili, Ecce Pater tuus, & ego dolentes quærebamus te. Luc. 2. vers. 41... 48.

I. C. reducitur in Nazareth.

XV. Et descendit cum parentibus, & venit Nazareth, & erat subditus illis, & proficiebat sapientia, & ætate, & gratia apud Deum & homines. Luc. 2. vers. 51. 52.

*I. C. annos triginta natus baptisatur à
Ioanne in Bethabara trans
Jordanem.*

XVI. Venit Iesus à Galilæa in Jordanem ad Ioannem, ut baptisaretur ab eo: Ioannes autem prohibebat eum, dicens, Ego à te debeo baptisari, & tu venis ad me: Respondens Iesus, dixit sine modo, sic oportet nos implere omnem iustitiam. Baptisatus Iesus ascendit de aqua. Et ecce aperti sunt cæli, & Spiritus sanctus descendit sicut columba super ipso, & vox de cælo facta est: Hic est filius meus dilectus, in quo mihi complacui. Matth. 3. vers. 13... 17. Marc. 1. vers. 9... 11. Luc. 3. vers. 21. 23.

I. C.